



S K Ferdinand

der Dritte / von Gottes

Genaden / Erwählter Römischer

Kayser / zu allen Zeiten Mehrer des

Reichs / in Germanien / zu Hungarn /

Böheimb / 2c. König / Erzherzog zu

Westerreich / Herzog zu Burgundt / Steyr / Kärndten / Crain /

und Würtemberg / in Ober: und Nider Schlesien / Marggrave

zu Mähren / in Ober: und Nider Laßnitz / Grave zu Habsburg /

Tyrol und Görz / 2c. Entbietten N: allen und jeden Unsern

Unterthanen / Geist: und Wellichen / was Würden / Standts /

oder Weesens / die in Unserm Erzherzogthumb Westerrich vn-

ter der Ennß gesessen und wonhafft seynde / auch sonstn männli-

glichen / so vor Unserer N: Ge: Regierung / und Landmarschalli-

schon Bericht / zuthun oder zuhandlen haben / Unser Gnade und

alles Guts / und fügen euch hiemit gnädigst zuvernehmen.

Demnach die erfahrung geben / was massen ein Zeit herod / zuwi-

der denen von Unsern geehrtesten Vorfahrern außgangenen Gene-

ralien, der Executions - Proceß in Liquidierten Schuldsachen / für-

nemblich wegen allerhandt / von denen vnzuhalten: vnnnd böshaff-

tigen Schuldner gesuchten Renck und Vorthailigkeiten / auch

Unserer nachgesetzten Obrigkeit gefallenem Respect vnnnd gehoro-

sambts / also verlengert worden / daß die Glaubiger / theils bey ihren

gehabten richtigen Anforderungen nochleyden: Theils auß Ar-

mut / von der Execution gar ablassen müssen / oder doch ober vil lan-

ge Zeit / und darzu mit grosser Mühe und Unkosten / zu dem ihri-

gen widerumb gelangen mögen / vnter dessen gedacht: Vnsere nachgesetzte Richter vnaußhörtlich angeloffen / vnd an Vnsern eignen Beschafft: vnnnd Verrichtungen gehindert / auch der Credit durchgehend geschwecht worden / vnd fast gefallen.

Wann Wir Vns dann vnter andern höchlich angelegen seyn lassen zu widerbring: vnd erhaltung/ deß bey disen Zeiten geschwundenen Credits, Thrawn vnd Glaubens/ jeder männiglich schleiniges Recht zuerhalten / vnnnd allem widrigen / so dasselbe hindern möchte / möglichst zustewren vnnnd fürzukommen; Also haben Wir / den bishero geführten Executions-Process, abzukürzen / für ein sonderbare Notdurfft gehalten: vnnnd demnach vber gehöriger orten abgefordert: auch einkommene Bericht vnd Gutachten / insonderheit aber / nach vernemmung Vnserer getrew/gehorsambtsten Ständte / auff ein Neue Executions-Ordnung / wie die bey obernent Vnserer N: Se: Regierung vnd Landmarschallischen Bericht ins künfftig zuhalten / auff Vnsere: vnd Vnserer Erben/ vnd Nachkommen wolgefallen / nachfolgender gestalt / Vns gnädigst resolviert, vnd entschlossen.

Der Erste Titul/

Von dem Gebotts-Brieff.

§ I.



Wff bekänntliche mit deß Schuldners Handschrift vnd Pertschafft / wie auch Vnserer Stätt vnd Märckt / mit ihren Insign bekrafftigte Schuldt-Brieff / darinnen die rechte vnd wahre Ursach / woher solche Schuldt aigentlich rühret / begriffen / vñ andere lautere Forderungen / setzen / ordnen vnd wollen Wir / daß sowol bey Vnserer N: Se: Regierung / als Landmarschallischen Bericht / nach inhalt deß hievor am Fünfftten Decembris abgewichenen Sechshundert Drey vnd Dreyßigsten Jahrs / deshalben außgangenen General Mandats, die schleimige Execution, vnd zwar alsbalden auff die erste Klag / der Gebotts-brieff hinsüro solle verwilliget / vnd außgefertiget werden / derselbe / alsdann mehr nicht / als von Zeit der vberantwortung an / Bierzehen Tag begreifen.

Der